

大清會典八旗



大清會典卷之

八旗

旗制

國家以神武開基

龍興之初。建旗辨色。用飭戎行。厥後歸附。既衆。即


按行軍旗色。以定戶籍。設官分職。以養以教。而

兵寓其中。始立四旗。重為八旗。合滿洲蒙古漢

軍為二十四旗。制度備焉。及

定鼎燕京。分田授宅。辨方定位。居則環衛周防。出則

折衝禦侮。臂指之使。磐石之固。誠超越百代。垂



治萬年者矣。

凡八旗序次曰鑲黃曰正黃曰正白爲上三旗。曰正紅曰鑲白曰鑲紅曰正藍曰鑲藍。統以宗室。正公爲下五旗。及行軍蒐狩以鑲黃正白鑲白正藍四旗居右爲右翼。官職除授公差踐更以上下旗爲辨。朝祭班列旗籍界止以左右翼爲辨。

凡八旗方位左翼自北而東自東而南鑲黃旗在安定門內正白旗在東直門內鑲白旗在朝陽門內正藍旗在崇文門內右翼自北而西自

西而南正黃旗在德勝門內正紅旗在西直門內鑲紅旗在阜成門內鑲藍旗在宣武門內皆四星拱以環衛。

宸居。

凡八旗直班各有定所及番宿值詳見別例。

禁城內。

寧壽宮東北隅以鑲黃旗滿洲西北隅以鑲黃旗蒙古漢軍正東以正白旗漢軍正西。

蹈和門以正黃旗滿洲。

文華殿門以正白旗滿洲。

東華門內庫以鑲黃旗滿洲

皇城內戶部顏料庫以正黃旗段足庫以正白旗  
工部製造庫以正紅旗西什庫八旗輪直均滿  
洲蒙古漢軍更番光祿寺庫以正藍旗漢軍內  
城宗人府庫以左翼四旗宗人府空室八旗輪  
直均滿洲蒙古漢軍更番戶部銀庫以鑲黃旗  
蒙古漢軍禮部庫八旗滿洲蒙古漢軍輪直刑  
部贓罰庫以鑲藍旗滿洲蒙古漢軍工部節慎  
庫以鑲紅旗滿洲理藩院庫以左翼四旗鴻臚  
寺龍亭以正紅旗喀爾喀館以正藍旗鄂羅斯

館八旗輪直均滿洲蒙古漢軍更番後黃寺馬  
館以八旗滿洲蒙古戶部內倉以正白旗滿洲  
海運倉以鑲黃旗北新倉以正黃旗舊太倉以  
正白旗興平倉南新倉以鑲白旗富新倉以鑲  
紅旗祿米倉以正藍旗外城萬安倉以正紅旗  
儲濟倉以鑲白旗豐裕倉以鑲紅旗太平倉以  
鑲藍旗工部濯靈廠

圓明園直年公解八旗輪直均滿洲蒙古漢軍更  
番內城九門安定德勝東直西直朝陽阜成崇  
文宣武八門各按軍士居止方位八旗分直惟

城門領安定門以正藍旗德勝門以鑲藍旗東直門以鑲白旗西直門以鑲紅旗朝陽門以正白旗阜成門以正紅旗崇文門以鑲黃旗宣武門以正黃旗

正陽門八旗輪直均滿洲蒙古九門外舊營房以滿洲新營房以滿洲蒙古漢軍外城七門鑲黃旗直東便門正黃旗直西便門正白旗直廣渠門正紅旗直廣寧門鑲白鑲藍二旗直左安門鑲紅旗直右安門正藍旗直永定門均以漢軍恭遇

皇上恭謁

陵寢

行幸駐蹕及逢年節於城上設堆撥六處

巡幸口外及遠省設十有五處均以八旗滿洲蒙古漢軍官自叅領以下驍騎校以上一人至四人領催自一人至四人驍騎自二人至五十人分班輪直晝夜巡宿以專責成

凡防禦火災每旗以都統或副都統一人叅領三人散秩官八人領催八人驍騎七十二人更番輪直遇旗界內及接壤之地有不戒於火者

直班官兵會步軍統領卽往撲救乘火攫物者  
逮治之



